

# TL Preparadu Hodi Hola Parte Hosi Woodside Iha Projetu Tasi Timor

Timor-Leste preparadu hodi hola parte hosi australiana Woodside iha konsórsiu projetu gás Greater Sunrise, iha Tasi Timor, karik petrolífera mantén intensaun atu mantén paradu projetu, hatete ministru ida.

“Ha’u ko’alia ona ho Woodside hatete katak karik sente lakonfortável, Timor-Leste prontu hodi parte hosi Woodside iha Greater Sunrise”, hatete Alfredo Pires, ministru Petróleu no Rekursu Naturál timoroan, iha entrevista ba Lusa.

“Ne’e maka tempu di’ak hodi hola”, nia afirma.

Alfredo Pires esprika katak transmiti ona pozisaun ne’e ba Woodside, lamenta empresa, ho se Timor-Leste halo konversasaun iha fulan barak, mai imprensa atu dehan katak hakarak adia projetu pelumenus tinan 10.

“Ami la’os foin moris horisehik no ami la’os labarik. Ami kompreende matéria ne’e. Ami ema hosi petróleu. No ami ko’alia hela kon-ça jazida ida ne’ebé di’ak liu hotu iha rejiaun”, nia konsidera.

“Ha’u hatete ona ba sira: Imi ko’alia hela atu hatama projetu ne’e ba gaveta. Maibé Timor-

Leste hakarak ko’alia hodi hola imi nia parte. Sira nia resposta, iha kazu ne’e, laiha liu sira nia hanoin atu faan ida ne’e. Ka, parese katak ikus mai ita hotu iha interese ba buat ne’e”, nia afirma.

“Buat” ne’e kampu ida ho pés cúbicos de gás triliun 5.1, ho valor bele hamutuk, entre explorasaun no ‘downstream’ [unidade transformasaun ne’ebé bele inklui refinaun ba petróleu], dólar rihun millaun 100.

“Iha fulan hirak ikus ne’e Timor-Leste, liu hosi nia kompañia nasionál petróleu, Timor Gap, halo konversa regulár, rigoroza no interesante tebes, ho petrolífera”, nia hatete.

“No derepente ami haree iha imprensa, no presidente Woodside konfirma hafoin iha karta ida ne’ebé haruka mai ami, katak sei hein solusaun ida hosi Governu rua molok avansa tan”, nia hatete.

Anúnsiu ida ne’ebé halo Governu “hakfodak uitoan” tanba senti katak iha “entendimentu ida ne’ebé hakarak kria nível konfiansa lolos ida iha prosesu hotu” ne’ebé la’o hela.

“Ita hanoin katak halo parte iha presau ida atu bele iha solusaun ida.



Los, karik Greater Sunrise laavansa Timor-Leste sei senti iha dezafiu, maibé hanesan dezafiu ida ne’ebé ita tenta atu hasoru”, nia afirma.

“Maibé bele sai prejudisiál tebes ba petrolífera australiana ne’ebé kona risku atu lakon merkadu totalmente”, nia haforsa.

Kontratu governu ruania nian ne’e ho petrolífera vigora de’it to’o 2026 no to’o oras ne’e nia valor bele iha ona jogu, tanba investidór sira iha gás “hakarak iha serteza iha tinan 20”.

“Woodside ho nia parseiru sira kona risku atu lakon Greater Sunrise totalmente. No iha ne’ebá Governu Timor-Leste iha oportunidade hodi halo avaliasaun hodi hatene karik, lolos, kompañia ne’e hanesan parseira ideál hafoin 2026”, nia konsidera.

“Ita haree hala ba interese nasionál ba médiu no tempu naruk. Ita sei hasoru tan dezafiu, maibé Timor-Leste la’os ró paradu ida”.

Lokaliza iha kilómetru 150 sudeste Timor-Leste no kilómetru 450 noroeste Darwin, iha Teritòriu Norte Austrália nian, Greater Sunrise iha parte (20,1%) iha área Tasi Timor jere hamutuk hosi Timor-Leste no hosi Austrália.

Konsórsiu ne’ebé kria ba explorasaun projetu ne’e forma hosi australiana Woodside, operadora (33%), hosi ConocoPhillips (30%), Royal Dutch Shell (26,6%) ho Osaka Gas (10%).

Maske iha diferensa hanoin iha parseria nian, pozisaun formál hosi empresa sira ne’ebé envolve iha projetu maka defeza ba unidade

flutuante ba prosesamentu Gás Naturál Liquefeito (GLN).

Shell defende opsau ‘off-shore’, plataforma exploratória iha tasi ConocoPhillips hakaral ‘pipeline’ [oleoduto] ba Darwin – iha ne’ebé instala ona unidade ida ba prosesamentu gás hosi kampu Bayu-Undar no Woodside.

Timor-Leste insisti iha defeza ba kontrusaun unidade prosesamentu Gás Naturál Liquefeito (GLN) iha kosta súl hosi illa.

“Timor-Leste continua aseita de’i diskuti opsau desenvolvimento ‘on shore’ [plataforma exploratória iha rai]. Ha’ lahatene iha benefisi saida maka tenta adia ida ne’e to’o dékada ida tan”, konsidera Alfredo Pires. SAPO TL ho Lus